

monachorum Scythiæ. — *Somnia Francisci Macedo.*

NOVAES. — Novaes (Sebastianus de), natione Lusitanus, patria Bracharensis, cooptatus in Societatem Jesu septennio docuit rhetoricam, et ætate maiores litteras; theologiam moralem novennio; scholasticam sexennio; ecclesiasten etiam egit in domo professorum Ulyssipone, et fuit rector collegii Scabillitani. Florebat ad medium xvii sæculi. Edidit *Lilium inter spinas, sive Conceptum Dei Genitricis incontaminatum.*

NOVARIN. — Novarinus Ludovicus (Novarini), natione Italus, clericus regularis, primis ordinis sui muneribus functus est, vir magnæ eruditionis, migravit ad Dominum anno 1650. Multa opera reliquit sed indigesta et singularia, quorum sunt præcipua: *Commentaria in quatuor Evangelia, — Electa sacra, — Adagia sanctorum Patrum, — Calamita de cuori, — Paradiso di Bethelme.*

NOVARIUS. — Novarius Joannes Maria (Novario), natione Italus, jurisconsultus, auditor provincialis, florebat xvii sæculo. Edidit *Collectanea et utilia, tum priscarum, tum neotericarum impressarum et non impressarum totius universi orbis decisionum reportata.*

NUGNUS. — Nugnus Didacus, ordinis Prædicatorum, edidit *Commentaria in in partem S. Thomæ, — De sacramentis.*

O

OBRECHT. — Obrecht Ulricus, natione Germanus, jurisconsultus et philologus, primum Protestantium partibus addictus, religionem catholicam amplexus est. Ulricus in linguis, in historia, in jurisprudentia versatissimus erat, ita ut a Magno Bossuetio vocaretur *Epitome omnium scientiarum.* Migravit ad Dominum anno 1701. Scripsit: *Prodromum rerum Alsaticarum, — Excerpta historica de natura successionis in monarchia Hispaniæ, — Dissertationes selectæ, — De legibus agrariis populi Romani.*

ODONUS. — Gerardus Odonus, Gallus, Ruthenensis de Castro Rodulphi, minister generalis, Parisiis anno 1529, Joanni XXII perquam clarus, a quo legatus est semel in Siciliam, secundo in Angliam, tertio in Bosniam Croatia, ex qua plurimos propulsi hæreticos, quarto iterum in Siciliam; et demum creatus patriarcha Antiochenus, atque administrator perpetuus Ecclesiæ Catanensis in Sicilia. Multa scripsit, præsertim in moralibus, unde et *Doctor moralis* nuncupatus fuit: Edidit: *Commentaria in sacram Scripturam, — In quatuor libros Sententiarum, — Officium de stigmatibus S. P. Francisci, quod hodie a Minoritis recitatur.*

ŒCUMEN. — Œcumenius, auctor Græcus x sæculi, edidit *Commentaria in Actus apostolorum et in Epistolam S. Jacobi.*

ŒINOTOM. — Œinotomus forte, jurisconsultus cui attribuitur opus quod titulum præbet: *Institutiones de interdictionibus.*

OKAMUS. — Guillelmus Okamus, Anglus, Subtilis Doctoris discipulus, ac postea nominalium scholam, vel inchoans, vel stabiliens, acerrimus impugnator, vir quidem acris ingenii, sed minime sobrii. Cognominatur *Venerabilis inceptor et singularis doctor.* Partim de theologia, partim de philosophia doctissime scripsit, nempe: *Super Magistrum Sententiarum, — Centilogium theologicum, — De sacramento altaris tractatum, — Summam totius logicæ, — Compendium theologiæ, et plurima alia eximia opera.*

OLDEN. — Olden Henricus, doctor facultatis Parisiensis, edidit opus cui titulus est: *Analysis fidei.*

OLDRAD. — Oldradus cognominatus de Laüæ, jurisconsultus Italus, summa cum fama jus docuit Paduæ et Bononiæ. Avenionem deinde petiit et ibi

decessit, anno 1635. Opus juris eruditione plenum edidit sub titulo *Consiliorum.* A Paulo de Castro Oldradus *Pater legum* cognominabatur.

OLEA. — Olea forte jurisconsultus qui edidit opus *De cessione juris.*

OLEAST. — Oleaster vel Oleastro Hieronymus, natione Hispanus, ordinis Prædicatorum, theologus Joannis III, regis Portugalensis, ad concilium Tridentinum, fidei inquisitor, primis ordinis sui muneribus functus est et migravit ad Dominum anno 1565. Scripsit Latine *Commentaria in Pentateuchum, — Commentaria in Isaïam.*

OLIVA. — Oliva Felicianus, forte monachus Ripipulli qui scripsit librum *De cyclo paschali* qui teste Baluzio exstat in quodam codice bibliothecæ Colbertinæ. Mabillon. *Ann.* tom. IV, pag. 489.

OLIVA. — Oliva Joannes Paulus, natione Italus, patria Genuensis, litteras humaniores aliquot annis professus est, domum probationis Romanam decennio rexit et collegium Germanicum in Urbe iterato administravit, conciones habuit Romæ magna cum fama....., florebat ad medium xvii sæculi. Scripsit: *Conciones, — Commentaria in Scripturam.*

ONNATE. — Petrus de Onnate, natione Hispanus, patria Vallisoletanus, Societatis Jesu, lucrandarum Deo animarum studio impulsus traiecit in Americam anno 1592, ubi in provincia Peruviana duas diversas Indorum linguas perdidit, et magistrum novitiorum diu egit. Postea Paraquariæ provinciam gubernavit, et redux in Peruanam, plenus dierum et honorum operum ad mercedem omnium evolavit. Elucubravit *De contractibus tomos tres.*

OPTAT. — Optatus Milevitanus, in Africa, currente iv sæculo, obiit anno 584, vir virtutibus et doctrina clarus, scripsit *Septem libros adversus schismaticos Donatistas.* Vide tom. XI *Patrologiæ Latinæ*, edit. Migne.

ORESM. — Oresmius Nicolaus, clarus scriptor xiv sæculi, natione Gallus, patria Cadomensis, doctor Sorbonicus, Lexoviensis episcopus, missus ad papam Urbanum V, illi persuasit ut Romam iterum non adiret, vir scientia et virtutibus clarus, Lexovii obiit, anno 1382. Scripsit: *De communicatione idiomatum, — De mutatione monetarum, — De Antichristo.*

ORIGEN. — Origenes, unus ex illustrissimis scriptoribus ecclesiasticis sæculi tertii, cognominatus *Adamantius*, Alexandria vidit lucem anno 185, et Tyri migravit ad Dominum anno 254. Vir virtutibus et scientia clarus fere innumera opera concinnavit et eximia. Vide *Patrologiam Græcam*, a tom. XI usque ad XVII inclusive, edit. Migne.

OROS. — Paulus Orosius, natione Hispanus, sacerdos virtutibus et scientia insignis, cum S. Augustino et S. Hieronymo feliciter conversatus est. Florebat incipiente sæculo v. Jussus a S. Augustino scripsit *Chronicon* in septem libros distributum. Auctor est pariter *Apologiæ liberi arbitrii adversus Pelagianos et Epistolæ ad S. Augustinum.* Vide opera Pauli Orosii in *Patrologia Latina*, edit. Migne, tom. XXXI.

ORSI. — Orsi Josephus Augustinus, natione Italus, ordinis Prædicatorum, professor theologiæ, magister sacri Palatii, creatus est cardinalis a Clemente XIII, anno 1759. Scripsit: *Historiam ecclesiasticam*, et aliud opus cui titulus est: *Infallibilitas act. Romani pontificis.*

ORTEL. — Abraham Ortelius, natus Antuerpiæ anno 1527, geographus fuit regius, atque *Urbs patriæ, orbisque terrarum ornamentum* audire meruit, ac *sæculi sui Ptolemæus.* Vivere desiit Antuerpiæ anno 1598. Multa opera concinnavit quorum præcipua sunt: *Theatrum orbis terrarum, — Synonyma geographica, — Aurei sæculi imago, — Itinerarium per nonnullas Galliæ Belgicæ partes.*

ORTIZ. — Ortiz Blasius, natione Hispanus, canonicus Toletanus, obiit anno 1540. Scripsit:

Descriptionem graphicam summi templi Toletani, — Sannam, — Itinerarium Adriani VI, ab Hispania Romam usque ac ipsius pontificatus eventus.

OSOR. — Osorius (Osorio) Hieronymus, natione Hispanus, Sylva episcopus, vir eloquentia insignis, migravit ad Dominum anno 1580. Scripsit: *Commentaria in Scripturam, — De nobilitate civili, — De nobilitate Christiana, — De gloria, — De regis institutione, — De justitia celesti, — De sapientia, — Epistolam ad reginam Angliæ.*

OSOR. — Joannes Osorius, natione Hispanus, ex oppido Sasamone, diocesis Burgensis, Societatis Jesu, Aristotelem nondum sacerdos est interpretatus, theologiam moralem diu tradidit, rexitque collegium Numantinum, seu Sorianum, utilem atque assiduam in concionibus ad populum habendis operam posuit et ut stylo posteris prodesset, sicut presentibus in lucem emisit *Concionum tomos quinque.* Migravit ad Dominum anno 1594.

OTER. — Oterius forte, jurisconsultus cui attribuitur opus titulum præbens: *De pascuis.*

OTTO. — Otto Everardus, natione Germanus, jurisconsultus peritus, juris professor, obiit 1756. Multa et eximia scripsit opera: *De ædilibus coloniarum et municipiorum liber singularis, — Dissertationes juris publici et privati, — Thesaurus juris Romani, — De jurisprudentia symbolica, — Papi-nianus.*

ODDIN. — Oudin Casimirus, ordinis Præmonstratensis, aliquandiu apud regem Ludovicum XIV vixit, deinde sectam Protestantium apostata adiit. Obiit 1717. Plurima scripsit opera: *Commentarium de scriptoribus Ecclesiæ antiquis, illorumque scriptis, — Veterum aliquot Galliæ et Belgii scriptorum opuscula sacra nunquam edita, — Triadem dissertationum criticarum.*

OVAND. — Joannes de Ovando, natione Hispanus, Cacerensis, provinciæ S. Jacobi alumnus, vixit sub annum 1610. Postquam annis multis prælegit Salmanticiæ theologiæ, scripsit: *Commentarios in iii Sententiarum, — Discursus prædicabiles de mysteriis fidei, — Tractatum de Incarnatione.*

OVID. — Ovidius Naso, poeta Latinus percelebris, natus anno 45 ante J. C., obiit anno 17 J. C.: opera ejus *Metamorphoses, — Fasti, — Tristia, — De arte amatoria, etc.*

OVIED. — Oviedo (Franciscus de), natione Hispanus, fuit primarius professor theologiæ moralis in academia regia Matriensi, scholasticæ vero Murciæ et Compluti, et sacro tribunali S. Inquisitionis a censuris. Morte subitanea sublatus est anno 1631. Scripsit: *Integrum cursum philosophicum, — In totam primam secundæ S. Thomæ, — De fide, spe et charitate.*

P

PACCIAN. — Fulvius Paccianus (Pacciani), natione Italus, patria Mutinensis, jurisconsultus insignis, vir litteris amœnioribus et eruditione clarus, Ferrariæ jus professus est et obiit anno 1615. Plura tum Latine tum Italice exaravit opera, quorum præcipua sunt: *Tractatus de probationibus, — Tractatus de iudiciis causarum civilium, criminalium et hæreticarum, — De appellationibus, — Consilia, responsa, relationes et allegationes circa feuda, contractus et ultimas voluntates, — Dell' arte di ben governare i popoli, etc., etc.*

PACHYM. — Georgius Pachymerus (Pachymer), natione Græcus, patria Nicæus, historiographus, amplissimis honoribus tum Ecclesiæ tum imperii Constantinopolitani et muneribus perfunctus, obiit anno 1512. Scripsit *Chronicon*, ab anno 1258 ad an. 1308.

PACIAUD. — Paulus Maria Paciaudus (Paciaudi), natione Italus, patria Taurinensis, ordinis S. Francisci monachus, vir scientia, litteris et eruditione

clarus, varia et eximia tum Latine tum Italice concinnavit opera sub his titulis: *De sacris Christianorum balneis, — De athletarum cubites in palestra Græcorum commentarius, — De campanis, — Monumenta Peloponnesiaca, etc., etc.* Obiit anno 1785.

PACICH. — Joannes Baptista Pacichellus (Pacichelli), natione Italus, patria Pistoriensis, vir litteris, jure et theologia apprime eruditus, fato sanctus anno 1702, plura tum Latine tum Italice scripsit opera quorum tituli: *Schediasma de iis quæ nullo modo possunt in jus vocari, — Schediasma de larvis, capillamentis et chirothecis, — De jure hospitalitatis universo, — De distantis, — Lucubratio autumnalis de tintinabulo Nolano, etc., etc.*

PACIUS. — Julius Pacius (Pacio), natione Italus, patria Vicentinus, jurisconsultus celeberrimus, et professor, ex heterodoxo catholicus, obiit anno 1635. Multa de jure scripsit sub his titulis: *De contractibus, — Synopsis juris, — De jure maris Adriatici, — In Decretales libri quinque, — Aristotelis organum, — Legum conciliatarum centuriæ, etc., etc.*

PAGAN. — Marcus Antonius Paganus, natione Italus, patria Venetus, ordinis S. Francisci monachus, vir pietate et doctrina insignis, ac gravibus muneribus in religione perfunctus, varia edidit opuscula, ex quibus ista circumferuntur: *Tractatus de ordine, jurisdictione et residentia episcoporum, — Discursus de penitentia, — Generalis discursus in lege canonica, etc.* Obiit circa annum 1585, ætatis suæ 69.

PAGIUS (A.). — Antonius Pagius, natione Gallus, ordinis S. Francisci monachus, et provincialis, historiographus insignis, edidit opus eximium cui titulus: *Critica historico-chronologica in Annales ecclesiasticos cardinalis Baronii, — Dissertatio hypatica, seu de consilibus Cæsareis.* Obiit anno 1699.

PAGIUS (F.). — Franciscus Pagius (Pagi), natione Gallus, fratris filius præcedentis, ordinis S. Francisci monachus, historiis ecclesiasticis versatissimus, vita functus anno 1721, scripsit: *Breviarium historico-chronologico-criticum, illustriora pontificum Romanorum gesta, conciliorum generalium acta, necnon complura tum sanctorum rituum, tum antiquæ Ecclesiæ disciplinæ capita complectens.*

PALAT. — Joannes Palatius (Palazzi), natione Italus, patria Venetus, canonicus Paduensis, historiographus et Imperatori a consiliis, juris canonici professor, vita functus anno 1705, plurima edidit variis sub titulis: *Monarchia occidentalis, — Aquila Franca sive inter lilia, — Aquila Sueva, — Aquila Romana, — Aristocratia ecclesiastica, etc., etc.*

PALEOT. — Gabriel Paleottus (Paleotti), natione Italus, patria Bononiensis, S. R. Ecclesiæ cardinalis, vir doctrina et pietate clarus, Romæ obiit anno 1597, ætatis suæ 75, plura posteris, sui ingenii monumenta, relinquens opera sub his titulis: *De bono senectutis, — Archiepiscopate Bononiense, — De nothis spurisque filiis, — De consistorialibus consultationibus, — De imaginibus sacris et profanis, etc., etc.*

PALLAVIC. — Petrus Sfortia Pallavicinus (Pallavicini), natione Italus, patria Romanus, e Societate Jesu et S. R. Ecclesiæ cardinalis, vir sublimitate ingenii, doctrinæ excellentia insigniter clarus, piæ efflavit animam anno 1667, ætatis suæ 57. Plura et eximia tum Latine tum Italice conscripsit opera, quorum præcipua sunt: *Historia concilii Tridentini, — De bono libri quatuor, — De stylo et dialogo, — Assertiones de universa theologia, — Disputationes in primam secundæ S. Thomæ, etc., etc.*

PALUDAN. — Petrus de Palude vel Paludanus (de la Palud), natione Gallus, patria Burgundus, ordinis S. Dominici monachus, Hierosolymitanus patriarcha, theologus insignis, utriusque juris doctor, inter scholasticos celebris, inter canonistas illustrior et perpetuus defensor doctrinæ S. Thomæ, obiit, in insula Cypri, Nicosiæ anno 1535, juxta alios vero

Parisiis, anno 1542. Scripsit: *Super totam sacram Scripturam*. — *Super quatuor libros Sententiarum*. — *Librum historiarum*. — *De potestate Papæ*. — *De causa immediata ecclesiasticæ potestatis*, etc., etc.

PALUDAN. — Joannes Paludanus, natione Belga, patria Mechliniensis, in universitate Lovaniensi theologiæ professor, ecclesiæ Sancti Petri eadem in urbe canonicus et decanus, vita functus anno 1659, varia edidit opera sub his titulis: *Vindiciæ theologicæ adversus verbi Dei corruptelas*. — *Apologeticus Marianus*. — *Officina spiritualis sacris concionibus adaptata*, etc.

PAMEL. — Jacobus Pamelius (Jacques de Pamele), natione Belga, patria Brugensis, et canonicus, postea vero Audomaropolis archidiaconus et episcopus designatus, obiit anno 1587. Claruit ingenio et scientia, ac juris publici fecit: *Liturgicam Latino-rum*. — *Micrologum de ecclesiasticis observationibus*. — *Catalogum commentariorum veterum selectorum in universam Bibliam*. — *Conciliorum paralipomena*, etc., etc.

PANCIROL. — Guido Pancirolus (Pancirol), natione Italus, patria Rhegiensis, jurisconsultus celeberrimus, Paduæ vicissim et Taurini jus docuit, et obiit anno 1599, plura posteris sui ingenii monumenta relinquens opera, quibus tituli: *De rebus inventis et perditis*. — *Commentarii in notitiam utriusque imperii et de magistratibus*. — *De juris antiquitate*. — *Thesaurus variarum lectionum utriusque juris*, etc., etc.

PANGER. — Marinus Pangerus, natione Germanus, ordinis S. Francisci monachus, theologus insignis, edidit *Theologiam scholasticam ad mentem Scoti*. Claruit sæculo XVI.

PANIGAROL. — Franciscus Panigarola, natione Italus, patria Mediolanensis, ordinis S. Francisci monachus et episcopus Astensis, theologus et concionator celeberrimus, obiit anno 1594. Multa variæ eruditionis tum Latine tum Italice concinnavit opera et ad posterum transmisit, scilicet: *Theses generales singulari methodo ex universa theologia desumptas*. — *Vitam S. Petri per modum aureæ catenæ*. — *Homilias*. — *Orationes funebres*. — *Concionæ varias*. — *Commentaria in sacram Scripturam*. — *Declamationes de titulis cardinalium*. — *De ratione componendæ orationis*. — *Speculum militare*, etc., etc.

PANIMOL. — Cæsar Panimolle, natione Italus, juris utriusque doctor et jurisconsultus scientia, litteris et eruditione clarus, publici juris fecit: *Decisiones civiles, morales et criminales*.

PANORMIT. — Abbas Panormitanus, vide Abbas.

PANVIN. — Onuphrius Panvinus (Panvinio), natione Italus, patria Veronensis, ordinis S. Augustini monachus, vir maximi ingenii, studii indefessi, ac antiquitatum indagator solertissimus, obiit anno 1568, ætatis suæ 58. Scripsit: *Vitas Romanorum pontificum*. — *De antiquis Romanorum nominibus*. — *De ritu sepelendi mortuos apud veteres Christianos*. — *De cæmeteriis eorumdem*. — *De principibus Romanis*. — *De antiquo ritu baptizandi catechumenos*. — *De primatu Petri*. — *Chronicon ecclesiasticum*, etc., etc.

PAPEBROC. — Daniel Papebrochius (Papebroch vel Papebroeck), natione Belga, patria Antverpiensis, Societatis Jesu presbyter, humaniores disciplinas, et philosophiam docuit, et postea Bollaudo et Henschenio adjunctus, cum illis edidit *Acta sanctorum mensis Martii et Aprilis*, et obiit anno 1714.

PAPIN. — Amilius Papinianus, patria Romanus, jurisconsultus insignis, vir ingenio et scientia clarus, a Caracalla capite truncatus obiit anno 212, ætatis suæ 56, juxta alios vero 70, et scripsit: *Responsiones*. — *Questiones*. — *Definitiones*. — *De adulteris*, etc.

PAPPON. — Hieronymus Papponius (Papponi), na-

tionem Italus, patria Pisanus, jurisconsultus celeberrimus et Rotæ auditor, vita functus anno 1605, plurima de jure concinnavit opera, scilicet: *Corpus juris civilis*. — *Consilia*. — *Decisiones*, etc., etc.

PARAM. — Ludovicus Paramo, natione Hispanus, patria Matritensis, et inquisitor, edidit anno 1598 opus eximium cui titulus: *De origine et progressu Officii S. Inquisitionis, ejusque utilitate et dignitate*, in-fol.

PARAVIC. — Joannes Paulus Paravicinus, clericus regularis S. Pauli, juris publici fecit opus eximium cui titulus: *Polyanthea sacrorum canonum*.

PARIS. — Petrus Paulus Parisius (Parisio), natione Italus, patria Neapolitanus, jurisconsultus celeberrimus, Rotæ auditor, et S. R. Ecclesiæ cardinalis, jus civile et canonicum tum Paduæ tum Bononiæ magna cum fama professus est, et obiit anno 1545, ætatis suæ 72. Plura sui ingenii monumenta posteris reliquit opera, quorum præcipua sunt: *Consilia*. — *Tractatus de testibus*. — *Tractatus de exceptionibus et præscriptionibus*, etc., etc.

PARIS. — Flaminius Parisius (Parisio), præcedentis fratris filius, advocatus Romanus et postea episcopus Bidruntensis, varia de jure scripsit et præsertim de resignatione beneficiorum, etc.

PASCHAL. — Philippus Paschalis (Pascal), natione Italus, patria Consentiensis, vir scientia et eruditione clarus, jurisconsultus insignis, floruit sæculo XVII inæunte, et juris publici fecit opus eximium cui titulus: *De viribus patriæ potestatis*.

PASCUC. — Thomas Pascucius (Pascucci), natione Italus, jurisconsultus scientia præstantissimus, floruit sæculo XVII, et edidit: *Compendium ad consultationes canonicas Jacobi Pignatelli*.

PASQUALIC. — Zacharias Pasqualig, natione Italus, patria Veronensis, clericus regularis, scientia theologica clarus, vita functus circa annum 1670, varia publici juris fecit opera sub his titulis: *Praxis jejunii*. — *De sacrificio novæ legis*. — *Variarum questionum moralium et canonicarum centuriæ*, etc., etc.

PASSARET. — Fulgentius Passaretti, natione Italus, patria Neapolitanus, ordinis S. Augustini monachus, notarius apostolicus et sacre Inquisitionis membrum, vixit sæculo XVII, et exaravit: *Tractatum contra lutores*. — *Tractatum pro examine confessorum*, etc.

PASSERIN. — Petrus Maria Passerinus (Passerini), natione Italus, patria Sestolensis in agro Mutinensi, ordinis Prædicatorum S. Dominici monachus, Bononiensis inquisitor et postea Romæ procurator generalis, theologus et canonista præstantissimus, obiit anno 1677 et posteris tradidit: *Tractatus de electione canonica*. — *De electione summi pontificis*. — *De indulgentiis*. — *Inspectiones morales de hominum statibus et officiis*, etc., etc.

PATUZ. — Joannes Vincentius Patuzzi, natione Italus, ordinis S. Dominici monachus, vir scientia, eruditione et litteris clarus, philosophiam et theologiam Venetiis docuit et obiit anno 1769. Plurima tum Latine tum Italico sermone concinnavit opera, quorum tituli: *Ethica christiana, sive theologia moralis ex sanctæ Scripturæ fontibus derivata et S. Thomæ doctrina illustrata*. — *De futuro impiorum statu*. — *De sede inferni in terris quærenda*. — *De re sacramentaria contra perduelles hæreticos*. — *De indulgentiis*. — *Trattato della regola prossima delle azioni umane nella scelta delle opinioni*, etc., etc.

PAUCK. — Engelbertus Pauckius, ordinis S. Francisci monachus, strictioris observantia alumnus, theologus, provincia Saxonie S. Crucis vocalis perpetuus, ac nationis Germano-Belgicae in Romana curia agens, communis juris fecit librum prænotatum: *Tertia seraphica vinea, sive Tertius ordo de penitentia*. Claruit sæculo XVII.

PAULIN. — Paulinus, absque ullo cognomine, ordinis S. Francisci monachus, natione Italus, pa-

tria Venetus, doctor insignis, scripsit *Chronicon* a constitutione mundi ad annum 1540. Obit anno 1544.

PAULIN. NOL. — Sanctus Paulinus Nolanus, origine Romanus, patria Burdigalensis, vir sanctitate et scientia clarus, migravit ad cælos anno 431, varia posteris, tum soluto tum stricto sermone scripta relinquens, quæ videnda in *Patrologia Latina* edit. J. P. Migne, tom. LXI.

PAULUS. — Julius Paulus, natione Italus, patria Romanus, jurisconsultus præstantissimus, cum Ulpiano et Papiniano consiliarius, circa annum salutis 293 claruit et varia de jure concinnavit opera sub hoc titulo: *Receptæ sententiæ*.

PAVIN. — Joannes Franciscus de Pavinis, natione Italus, patria Patavinus, ob scientiam juris canonici et theologiæ insignis, divinarum ac humanarum rerum apprime eruditus, conscripsit: *Glossam de officio et potestate capituli, sede vacante*. — *Baculum pastoralium, seu Tractatum de visitationibus episcoporum*. — *Relationem de canonizatione divi Bonaventuræ*, etc. Obit circa finem sæculi XV.

PAX JORD. — Pax Jordanus, vide Jordanus Pax.

PECK. — Petrus Peckius (Peck), natione Zelandus, patria Ziriczæus, utriusque juris doctor, jurisconsultus insignis, professor regius canonum ordinarius, cleri studiosissimus, obiit Mechliniæ anno 1589, ætatis vero 60. Scripsit: *Paraphrasin in universam legatorum materiam*. — *De testamentis conjugum*. — *De amortizatione bonorum*. — *De ecclesiis catholicis ædificandis et reparandis*. — *De jure sistendi et manuum injectione*. — *Commentarium ad regulas juris canonici*, etc., etc.

PEGN. — Franciscus Pegna, natione Italus, et decanus Rotæ, juris publici fecit opus eximium sub hoc titulo: *Directorium inquisitorum*.

PELAG. — Alvarus Pelagius, vid. Alvarus.

PELLEGRIN. — Alexander Pellegrinus (Pellegrini), natione Italus, patria Capuanus, clericus regularis, vir scientia et eruditione insignis, claruit sæculo XVII, et edidit: *Constitutiones congregationis Clericorum Regularium commentariis illustratas*. — *Compendium privilegiorum Clericorum Regularium duas in partes divisum*. — *Commentarium in pontificum constitutiones de duello*. — *De immunitate ecclesiastica*, etc. — Pellegrinus alter, cognomine Carolus, scripsit opus eximium cui titulus: *Praxis vicariorum*.

PELLIZAR. — Franciscus Pellizarius (Pellizzari), natione Italus, patria Placentinus, e Societate Jesu presbyter, vir scientia sacrorum canonum, et questionum ad conscientiam pertinentium perquam clarus, litteras amœniores et theologiam explicuit, Ferrariense rexit collegium, et denum corporis solutus vinculis ad vitam migravit immortalē anno 1651. Edidit Latine: *Tractatum de monialibus*. — *Manuale regularium*, etc.

PENNAFORT. — Sanctus Raymundus de Pennafort, seu de Rupe forti, genere nobilissimus, natione Catalanus, patria Barcinonensis, utriusque juris, præsertim pontificii scientissimus, Rotæ Romanae auditor, et ordinis S. Dominici generalis, centenarius migravit ad cælos anno 1275, plurimis libris miraculis. Concinnavit et posteris reliquit: *Librum pro prælati de modo visitandi ecclesias*. — *De modo licite negotiandi*. — *Decretales in uno volumine collectas*. — *Summam de casibus conscientia*. — *Summam de penitentia et sponsalibus*. — *Tractatum de bello et de duello*, etc., etc.

PENNOT. — Gabriel Pennottus (Pennotti), natione Italus, patria Novariensis, S. Augustini Lateranensis regularis canonicus, vir scientia et eruditione clarus, vita functus circa annum 1640, varia concinnavit opera, quorum præcipua sub his titulis: *Historia tripartita de origine canonicorum regularium*. — *Propugnaculum libertatis humanæ*, etc.

PEPIN. — Guillelmus Pepinus, natione Gallus,

ordinis S. Dominici monachus, theologiæ professor Parisiensis, utriusque juris doctissimus et maxime civilis, concionator facundissimus, vir undequaque aspectabilis, obiit anno 1527, posteris relinquens: *Opusculum de secretis secretorum*. — *Lecturam scholasticam super quatuor sensus sacra Scripturæ*. — *Sermones in Cæna Domini*, etc., etc.

PERCIN. — Petrus Joannes Franciscus Percinus (Percin de Montgaillard), natione Italus, patria Mediolanensis, Pontii episcopus, vir scientia insignis, Gallico sermone scripsit: *Du droit et du devoir des évêques de régler les Offices divins dans leurs diocèses*, etc. Obit anno 1715.

PEREGRIN. — Marcus Antonius Peregrinus, jurisconsultus, edidit librum cui titulus: *De jure fisci*. PERER. — Benedictus Pererius (Pereira), natione Hispanus, patria Valentinus, Societatis Jesu alumnus, vir in omni scientiarum genere peritus, humanis, philosophicis, theologicis et sacris disciplinis præstans, obiit anno 1610, ætatis suæ 73, multa sui ingenii monumenta relinquens, scilicet: *Theatrum rerum creaturarum*. — *Commentaria in Scripturam*. — *Disputationes varias*. — *Lucubrationes*, etc., etc.

PERER. — Gabriel Pererius de Castro (Pereira), natione Lusitanus, patria Bracarensis, jurisconsultus insignis, vita functus circa annum 1625, plura de jure conscripsit opera, inter quæ: *De manu regis, seu de legibus regis quibus regni Portugaliæ in causis ecclesiasticis cognitio est ex jure, privilegio, consuetudine*, etc.

PEREZ. — Antonius Perezius (Perez), natione Hispanus, ordinis S. Benedicti monachus, archiepiscopus Tarraconensis, vir litteris humanis et divinis peritissimus, vita functus anno 1657, varia scripsit opera sub his titulis: *Authentica fides quatuor evangelistarum, controversiis catholicis agitata, pariterque discussa*. — *Conciones*. — *Pentateuchum fidei*, etc., etc.

PEREZ. — Antonius Perezius (Perez), natione Hispanus, in oppido de Camarillas diocesis, et communitatis Tertulensis natus, ordinis S. Francisci monachus, lector bis jubilatus, et provincialis minister, vir egregie doctus, et sermone scholasticus, edidit: *Commentaria super librum primum Sententiarum*. — *Astræam theologiam*, etc. Obit anno 1710.

PEREZ. — Antonius Perezius (Perez), natione Hispanus, patria Pontireginensis, Societatis Jesu presbyter, philosophiam vicissim et theologiam professus, vir pietate et litteris sacris clarus, obiit in Domino anno 1649, relinquens posteris sui ingenii monumenta sub his titulis: *Tractatus in primam partem D. Thomæ*. — *Conclusiones theologicas de Deo trino et uno*, etc., etc.

PEREZ. — Antonius Perezius, natione Hispanus, patria Alfarensis, jurisconsultus celeberrimus, et Lovaniensis doctor, vita functus anno 1672, scripsit: *Assertiones politicas*. — *Commentaria in Digestum*. — *Jus publicum*, etc., etc.

PEREZ. — Martinus Perezius, natione Hispanus, patria Valentinus, Societatis Jesu presbyter, theologiæ doctor et professor, vir scientia et humilitate insignis, vita functus anno 1660, ætatis suæ 82; publici juris fecit: *De Deo trino et uno*. — *De mirabili Verbi incarnati mysterio*. — *De sancto matrimonii sacramento*, etc., etc.

PERIMEZ. — Josephus Maria Perimezzius (Perimezzi), natione Italus, patria Palensis in Calabria, ordinis S. Francisci monachus, episcopus Oppidensis, theologiæ doctor, varia tum Latine, tum Italice concinnavit opera, inter quæ præcipuum tenet locum opus eximium cui titulus: *In sacrum de Deo scientiam dissertationes selectæ, historicæ, dogmaticæ et scholasticæ*, Neapoli, 1758, 8 vol. in-fol. Obit anno 1740.

PERRAY. — Michael du Perray, natione Gallus,

causidicus Parisiensis, vir jurisprudentia civili et canonica peritissimus, plura et eximia posteris vernacula lingua concinnavit opera sub his titulis: *Traité historique et chronologique des dîmes*, — *De la juridiction ecclésiastique*, — *Des dispenses de mariage*, — *Des moyens canoniques pour acquérir et conserver les bénéfices*, — *De l'état et de la capacité des ecclésiastiques pour les ordres et les bénéfices*, etc., etc. Obiit Parisiis, anno 1750, ætatis suæ 90.

PERUG. — Carolus Maria Perugia, natione Italus, patria Mediolanensis, ordinis S. Augustini monachus, theologiæ magister, vir sacris et profanis litteris ornatus, magna in negotiis tractandis dexteritate pollens, provincialis, obiit anno 1700, et scripsit: *Summulae theologicæ*, — *Epistolas*, etc.

PERUS. — Gregorius Perusinus, natione Italus, patria Spoletanus, ordinis S. Augustini monachus, theologiæ magister in concionibus sacris eximius, provincialis, et generalis visitator, de re literaria bene promeruit per *Commentarium in librum III Sententiarum*. Obiit circa annum 1515.

PERUS. — Jacobus Perusinus, natione Italus, patria Spoletanus, ordinis S. Augustini monachus, Tarracina in Campania episcopus, ad superos anno 1562 avolavit, posteris relinquens: *Commentarium in quatuor libros Sententiarum*, — *Expositiones super Threnos Jeremie*, etc.

PESANT. — Alexander Pesantius, juris utriusque doctor, vir litteris et eruditione clarus, scripsit: *In universam D. Thomæ theologiæ*.

PETAU. — Dionysius Petavius (Petau), natione Gallus, patria Aurelianensis, Societatis Jesu presbyter, vir ingenio maximo, judicio acerrimo, excellenti memoria, omnium fere rerum scientia excellens, et virtutibus insignis, piam septuagenarius evasit animam Parisiis anno 1652. Plura et eximia concinnavit opera, quorum præcipua sub his titulis: *De doctrina temporum*, — *Rationarium temporum*, — *De ecclesiastica hierarchia*, — *Uranologium*, — *Dogmata theologica*, etc., etc.

PETIT-DIDIER. — Matthæus Petit Didier, natione Gallus, patria Lotharingus, e S. Nicolai oppido, ordinis S. Benedicti monachus, abbas Senonensis et Macranensis episcopus, vir eruditione et doctrina insignis, plura tum Latine, tum Gallice conscripsit opera sub his titulis: *Dissertationes Latine historico-chronologicæ in omnes libros Veteris Testamenti*, — *Justificatio moralis doctrine et discipline Ecclesie Romanæ*, — *De l'insaisissabilité du Pape*, — *Animadversiones in Bibliothecam ecclesiasticam Dupinii*, — *Dissertationes de præminentia Benedictinorum super canonicos regulares*, etc., etc. Obiit anno 1747.

PETITUS. — Samuel Petitus (Petit), natione Gallus, patria Nemausensis, philologus et theologus heterodoxus, vir eruditione insignis, vita junctus anno 1645, varia juris publici fecit opera quorum tituli sunt: *Miscellanea*, — *Eclogæ chronologicæ*, — *Varie lectiones*, — *Leges Atticæ*, etc., etc.

PETRA. — Vincentius Petra, natione Italus, patria Neapolitanus, S. R. Ecclesie cardinalis, Sancti-Officii consultor, vir ingenio et scientia insignis, inter plura opera, edidit *Commentaria ad constitutiones apostolicas*, et obiit anno 1747.

PETRUS BLES. — Petrus Blesensis, natione Gallus, archidiaconus, vir omni genere doctrinæ excellentissimus, et virtutibus insignis, obiit in Anglia anno reparatæ salutis 1200, et varia reliquit opera, quæ reperienda in *Patrologiæ Latine Cursu* quem nuper edidit J. P. Migne, tom. CCVII.

PETRUS CHRYSOL. — Sanctus Petrus Chrysologus, territorio Corneliensi natus, Ravennas archiepiscopus, vir sapientia et doctrina clarus, varia scripsit, quæ videnda in *Cursu Patrologiæ Latine* edit. J. P. Migne, tom. LII.

PETRUS CLUN. — Petrus Mauricius Monboisierus, cognomento Venerabilis, ordinis S. Benedicti abbas

Cluniacensis, vir moribus et doctrina clarissimus, beato sine ad superos translatus anno 1158, scripsit: *Tractatus varios*, — *Sermones*, — *Epistolæ*, etc. Vide *Patrologiam Latinam*, tom. CLXXXIX.

PETRUS COMEST. — Petrus cognomine Comestor, canonicus et decanus Trecentis, Parisiensis cancellarius, vir in rebus præsertim theologicis apprime eruditus, diem obiit extremum anno 1178, posteris relinquens *Historiam scholasticam*, et alia quæ reperies in *Patrologia Latina*, tom. CXCVIII.

PETRUS DAM. — Sanctus Petrus Damianus, natione Italus, patria Ravennas, ordinis S. Benedicti monachus, episcopus Ostiensis, S. R. Ecclesie cardinalis, vir liberalibus et sacris disciplinis insigniter imbutus, migravit ad Dominum anno 1072. Quoad illius opera, vide *Patrologiam Latinam*, tom. CXLIV, CXLV.

PETRUS DE ALLIAC. — Petrus de Alliaco vel Alliacensis (Pierre d'Ailly), natione Gallus, Compendii ad Isaram natus, Cameracensis episcopus, theologiæ Parisiensis doctor et Universitatis cancellarius, S. R. Ecclesie cardinalis, vir ingenio et facultia clarus, obiit anno 1425. Plura et eximia concinnavit opera, inter quæ prostant: *Tractatus de potestate Ecclesie*, — *Concordia astronomiæ cum theologia*, — *Concordia astronomiæ cum historia*, etc., etc.

PETRUS DE ARAGON. — Petrus de Aragonia, natione Hispanus, ordinis S. Augustini monachus, theologiæ doctor Salmanticensis, hujus Universitatis professor publicus, vir ob sacrarum litterarum notitiam et scientiam juridicam notissimus, in lucem emisit: *Commentarium in secundam secundæ D. Thomæ, de fide, spe et charitate*, — *Commentarium de justitia et jure*, etc. Obiit desinente sæculo XVI.

PETTSCAC. — Benedictus Pettschacher, natione Germanus, e S. Lamberto in Styria natus, in Universitate Salsburgensi theologiæ professor ac rector, vir doctrina et virtute præstantissimus, decessit anno 1701, et scripsit: *Tractatum de sacramentis in genere, et de baptismo, confirmatione et Eucharistia in specie*, — *Tractatum speculativo-practicum de restitutione*, — *Opusculum de jure in communi et in specie*, — *De incarnatione*, etc., etc.

PEYRIN. — Laurentius de Peyrinia, ordinis S. Francisci monachus, vir disciplinis sacris et ecclesiasticis apprime eruditus, scientia notus et pietate, varia edidit opera sub his titulis: *De privilegiis regularium*, — *Subditus et prælatus*, — *Formulaarium*, etc. Floruit sæculo XVII.

PEZ. — Bernardus Pezius, natione Germanus, patria Ipsensis in Austria, ordinis S. Benedicti monachus, vir scientia et præsertim eruditione insigniter clarus, vita functus anno 1755, ætatis suæ 52, varia juris publici fecit opera quibus tituli: *Thesaurus anecdotorum novissimus*, — *Bibliotheca ascetica antiquo-nova*, etc., etc. — PEZIUS HERONYMUS, præcedentis fratris et Benedictinus, e vita decessus anno 1762, edidit: *Scriptores rerum Austriacarum*, — *Historiam S. Leopoldi*, etc.

PFUFF. — Christophorus Matthæus Pfaffius (Pfafl vel Pfaffer), natione Germanus, theologus heterodoxus et professor, Universitatis Tubingensis cancellarius, plurima sermone Latino conscripsit: *Institutiones theologicæ dogmaticas et morales*. Obiit anno 1760.

PHILIPP. — Henricus Philippi, natione Belga, patria Luxemburgensis, Societatis Jesu presbyter, theologiæ doctor, Hungariæ regi Ferdinando III a studiis et a sacris confessionibus fuit, et obiit anno 1656. Varia sui ingenii et eruditionis monumenta posteris reliquit sub his titulis: *De computo ecclesiastico ad chronologiam accommodato*, — *Synopsis generalis sacrarum temporum*, — *Questiones chro-*

nologicæ de annis Domini, etc. — *Tractatum de olympiadibus*, etc.

PHILIPP. — Mauritius Philippi, natione Belgæ, ordinis S. Francisci ex Recollectis provincie Flandriæ monachus, sacre theologiæ professor, edidit opus prænotatum: *Directorium conscientie circa difficiliores casus*. Floruit sæculo XVII.

PHILIPPIN. — Joannes Chrysostomus Philippinus, ordinis S. Francisci monachus, conscripsit *Tractatum de privilegiis ignorantie*. Claruit sæculo XVII.

PHILIPPUS. — Joannes Philippus (Philippi vel Philippy), natione Gallus, patria e Monte-Pessulano oriundus, jurisconsultus insignis, vita functus circa annum 1574, scripsit: *Juris responsa*, — *Usus practice institutionis*, etc.

PHOEB. — Franciscus Phœbeus, ordinis Clericorum Regularium Societatis Jesu presbyter, vir theologicis et canonicis scientiis apprime eruditus, emisit in lucem opus eximium prænotatum: *Institutiones juris canonici*.

PHOT. — Photius, natione Græcus, Constantinopolitanus patriarcha, vir omnium fere rerum scientia eruditus, vita functus anno 891, publici juris fecit: *Myriobiblion*, sive *Bibliothecam librorum*, — *Nomocanon*, — *Epistolæ*, etc.

PIASEC. — Paulus Piasecius (Piasecki), natione Polonus, patria Varsoviensis et archidiaconus, postea vero episcopus Premisliensis, juris utriusque doctor, scripsit inter varia opus eximium cui titulus: *Praxis episcopalis et ecclesiastica*. Obiit circa annum 1650.

PIAZZ. — Carolus Bartholomæus Piazza, natione Italus, juris publici fecit opus prænotatum: *Necrologia, seu Discursus mysteriorum sacrarum rituum, et ceremoniarum in funeribus et exsequiis mortuorum*, etc.

PICHLER. — Vitus Pichlerus, natione Germanus, patria Baviensis, Societatis Jesu presbyter, juris canonici professor, vir scientia insignis, e vivis decessus anno 1733, scripsit: *Theologiam polemicam*, — *Jus canonicum secundum quinque decretalium titulos Gregorii pape IX explicatum*, — *Epitome juris canonici juxta decreta*, etc., etc.

PICHIUS. — Albertus Pighius, natione Batavus, Coloniensis doctor, vir scientiis mathematicis et theologicis apprime eruditus, varia et eximia concinnavit opera sub his titulis: *Assertio hierarchiæ ecclesiasticæ*, — *De gratia et libero arbitrio*, — *De ratione paschalis celebrationis, deque restitutione calendarii ecclesiastici*, — *De æquinoctiorum solstitionumque inventione*, etc., etc. Obiit anno 1542.

PIGNAT. — Jacobus Pignatelli, natione Italus, patria Venetus, vir jure canonico peritissimus, edidit opus eximium cui titulus: *Consultationes canonice, in quibus præcipue controversie ad jus canonicum facientes breviter ac perspicue dirimuntur*. Claruit sæculo XVII.

PILAJ. — Josephus Pilaja, natione Siculus, patria Messanensis, jurisconsultus clarus, obiit anno 1690, et posteris tradidit opera prænotata: *Institutionum decisionum pontificiarum, ex corpore juris canonici extractæ*, — *Additiones ad tractatum de potestate Hieronymi de Franco*.

PINA. — Joannes de Pina, natione Hispanus, patria Matritensis, Societatis Jesu, concionator insignis et sacris Scripturis apprime eruditus, edidit in lucem *Commentaria in varios Scripturæ libros*: — *Parthenion sive De laudibus B. Mariæ*, tomos duos, — *Conciones Latinas*, etc. Obiit anno 1657.

PINED. — Joannes Pineda, natione Hispanus, patria Hispalensis, nobili et opulento loco natus, e Societate Jesu presbyter, vir philosophicis et theologicis scientiis doctissimus, inquisitionis consultor, migravit ad Dominum anno 1637, ætatis suæ 80. Scripsit, excellenti ingenio, magno judicio, varia eruditione opera prænotata: *Indicem expurgatorium librorum*, — *Memoriale sanctitatis*, — *Instru-*

mentum domus sapientie, — *Commentaria in diversos Scripturæ libros*, etc., etc.

PINELL. — Lucas Pinellus, natione Italus, patria Molfensis, Societatis Jesu theologus et doctor insignis, varia tum Latino tum Italico sermone concinnavit opera, quorum præcipua sunt: *De statu animarum post hanc vitam*, — *De religiosa perfectione*, — *De missæ sacrificio et ejus fructibus*, — *De sacramento penitentiae*, — *Disputationes theologicæ*, etc., etc. Obiit anno 1607.

PINTHER. — Franciscus Pinthereau, natione Gallus, patria Claromontanus, Societatem Jesu complexus anno 1621, philosophiam et theologiæ professus est et claruit scientia et ingenio. Varia tum Latine tum Gallice edidit opera, inter quæ eminet opus prænotatum: *De attritionis sufficientia in sacramento penitentiae*. Obiit Parisiis anno 1664.

PIRING. — Henricus Pirhingius, natione Germanus, Societatis Jesu presbyter, theologus et canonicus insignis, circa finem sæculi XVII claruit, et juris publici fecit: *Jus canonicum nova methodo explicatum, adjunctis aliis questionibus, quæ ad plenam titulorum cognitionem pertinent*, — *Facilis et succincta sacrarum canonum doctrina*.

PITHÆUS. — Franciscus Pithæus (Pithou), natione Gallus, patria Trecentis in Campania natus, jurisconsultus insignis, vita functus anno 1621, varia de jure tum Latino tum Gallico sermone conscripsit opera sub his titulis: *Observationes ad codecem*, — *Collatio legum Mosaicarum cum legibus Romanis*, — *Traité de la grandeur et des droits du roi et du royaume de France*, — *Comites Campaniæ*, etc., etc.

PITISC. — Samuel Pitiscus, natione Germanus, patria Ultrajectensis in Batavia natus, vir eruditione insigniter clarus, vita functus anno 1717, edidit opus eximium cui titulus: *Lexicon antiquitatum Romanarum*.

PITTON (F). — Franciscus Maria Pittonius, Imetriæ episcopus, vir scientiis ecclesiasticis apprime versatus, edidit *Disceptationes ecclesiasticas*.

PITTON (J.-B.). — Joannes Baptista Pittonus (Pittoni), natione Italus, patria Venetus, presbyter jure canonico peritissimus, vita functus anno 1748, ætatis suæ 82, varia tum Latine tum Italice scripsit opera sub his titulis: *Constitutiones pontificiæ et Romanarum congregationum decisiones*, — *Calendario Romano decennale*, — *De octavis festorum, quæ in Ecclesia universalis celebrantur*, — *Vita di Benedetto XIII*, etc.

PLACET. — Joannes Placetta (Jean de la Placette), natione Gallus, patria Benearenensis, theologus et minister heterodoxus, vita functus anno 1718, plurima tum Latine tum Gallice concinnavit opera, inter quæ: *Tractatus de superbia*, — *De conscientia*, — *De restitutione*, — *De elemosyna*, — *De alea*, — *Dissertationes theologicæ et morales*, etc., etc.

PLATEA. — Franciscus de Platea, natione Italus, patria Bononiensis, ordinis S. Francisci monachus, doctor divinarum Scripturarum, et juris pontificii non mediocriter eruditus, multa elucubravit, quæ sunt: *Summa mysteriorum Christianæ fidei*, in qua complectitur tractatus varios, *De restitutionibus*, — *De usuris*, — *De actu matrimoniali*, — *De censuris ecclesiasticis*, — *De excommunicatione*, etc. Obiit anno 1460.

PLATEL. — Jacobus Platelius (Platel), natione Gallus, in agro Atrebatensi natus, e Societate Jesu presbyter, vita functus Duaci anno 1681, inter alia scripsit: *Synopsis cursus theologici*.

PLATIN. — Bartholomæus Platina, natione Italus, historiographus litteris et eruditione insignis, vita functus anno 1481, plurima conscripsit opera, quorum præcipua sub his titulis: *Opus de vitis summorum pontificum, a S. Petro ad Sixtum IV.*, — *Dialogi de vero et falso bono*, — *De vera nobilitate*, — *De pace Italiæ componenda et de bello Turcis inferendo*, etc., etc.